



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 92. Legatus a Synodi inchoatione a Cæsare præpeditus.

[urn:nbn:de:hbz:466:1-66615](https://nbn-resolving.de/urn:nbn:de:hbz:466:1-66615)

Ecclesia Cathedrali aulæis exornaretur, nec Sæcul. XVI.
 non Pontifici ac Cœsari, quantumvis absentibus, A.C. 1545.
 sedes designaretur, Mendozæ vero Cœsaris Le-
 gato ceteris honoratior tribueretur locus. Tum
 etiam de loci prærogativa agebatur; Episcopi
 enim Germaniæ, cum pariter & ipse essent Im-
 perii Principes, id sibi deberi asserebant, ut non
 Episcopos modo, sed aliarum etiam nationum
 Archiepiscopos præcedant, cum id in Ordinum
 Imperii conventibus usu veniat, ac insuper Epi-
 scopi, qui non sunt Imperii Principes, non nisi
 detecto capite illos assari soleant. Hanc in rem
 recensebatur, quod anno superiori inter Eych-
 stetensem Episcopum, & Corcyrensem ac Hy-
 druntinum (*) Archiepiscopos ejusmodi con-
 tentio fuerit exorta, his addebat alii, quod in
 ipso Pontificis sacello Episcopi, si Ducum sunt
 Oratores, Archiepiscopos præcedant, eoque
 multo magis ipsis Principibus ea eminentia de-
 beatur: nec tamen visum fuit Patribus, quic-
 quam de hac controversia decidere, totumque
 hoc negotium rejiciebatur ad tempus, quo fre-
 quenter esset Patrum Senatus, atque Hispaniæ
 & Franciæ Legati adventassent, quorum sen-
 tentiæ hac super re exquiri possent.

§. XCII.

*Legatus a Synodi inchoatione a Cœ-
 sare præpeditus.*

Post-

(*) Paulus Sarpius, ex quo Continuator totum
 descripsit, habet Tarentinum, quod ab Hydrunto
 longe diversum est, Tarentum enim est Hydrun-
 tinæ Provinciæ urbs.

Sæc. XVI. Postquam Farnesius Cardinalis hortan-
A.C. 1545. tibus Tridentinis Patribus Worma-

Pall. I. 5. c. 12. tiam venerat, mox Cæsarem ac Regem
n. 1. & 2. Romanorum adiit, diuque cum utroque

Principe de celebranda Synodo contulit,
 hæc exponens: „Legati, qui jam ultra bi-
 „, mestre Tridenti hærent, tandem Syno-
 „, dum aperiendi potestatem a Papa rece-
 „, perunt, illam tamen hucusque semper
 „, distulerunt, donec de rebus in Ratisbo-
 „, nensi conventu gerendis nuntium acce-
 „, pissent. „ Ad hæc Imperator, qui antea,
 ut inquit Pallavicinus, se Concilii auto-
 rem ostentaverat, dum illud Germanis ac-
 ceptum crediderat, tunc alio jam vocem
 deflexit, Legatoque respondit: „ Mihi sat
 „, persuasum est, quod hæresibus, quæ uni-
 „, ce ad meam & Pontificiam auctoritatem
 „, penitus evertendam collimant, prom-
 „, ptum sit opponendum remedium, nec
 „, tamen propterea irritandi sunt Prote-
 „, stantes, quorum potentia merito formi-
 „, danda est. „ His dictis Cæsar Legatum
 ad Granvellanum misit, ut ab eo de illius
 sententia plenius instrueretur: verum Far-
 nesius nec ab illo magis liquidam accepit
 notitiam; Granvillianus enim hæc dun-
 taxat Legato exposuit, quod Protestantes,
 cum in hoc Concilio suam doctrinam con-
 demnari facile prospicerent, abs dubio ad
 arma sint conclamaturi, non modo, ne in-
 ermes ipsi deprehenderentur, sed ut Ca-
 tholicos opprimerent, bellumque in Ita-
 liam

liam inferrent, quin imo timendum, ne for-Sæcul.XVI.
te Romam, Religionis arcem, sibi semper A.C. 1545.

exosam sint invasuri : his igitur malis
prospicere Pontificis est, eo potissimum
nomine, quod nullum auxilium a Catho-
licis Germaniæ Principibus quibus nervi
animique deficiunt, sperandum sit, Cæsa-
ri quoque, qui tot thesauris in bella præte-
rita profusis exhaustus est, nil reliqui ma-
neat, quod offerat, nisi se ipsum. Eadem
ferme Romanorum Rex præsente Othono
Truchsessio respondit Cardinali Legato.

Farnesius mox Cæsaris articia detexit,
atque haud obscure intellexit, quod ejus
confilia eo abirent, ut dilata Synodo cun-
cta, quæ posset, subsidia a Protestantibus
extorqueret, vel saltem Pontificem indu-
cere posset ad suppeditandas pecuniarum
& militum suppetias, quibus eosdem, si
hostilia molirentur, in officio continere
posset: econtra vero Synodo jam semel in-
choata Cæsar merito timeret, ne Prote-
stantes ultra in comitiis comparere, vel
ea, quæ præstare rogarentur, concedere
renuerent, proin Concilium differre inten-
deret, illud vero vel inchoare vel dissolve-
re, prout rerum suarum ratio ac vicissitu-
do exigit, eidem liberum esset: verum hæc
Cæsaris confilia Legatum eo majori ad-
miratione defixum tenebant, quo minus
eidem tunc periculum a Turcis immine-
ret, cum Galliarum Rex Constantinopo-
lim Oratorem decrevisset, qui cum Sulta-

Sæcal. XVI. no de induiis ageret. Posthæc idem Le-
A.C. 1545. gatus sermonem deflexit ad illa mandata,
 quibus Neapolis Pro-Rex hujus Regni E-
 piscopis ad Concilium accedere inhibuit:
 Ad hæc autem reposuit Imperator, id se
 inscio fuisse attentatum, de cetero hujus
 Pro-Regis rationes se sedulo discussurum.

§. XCIII.

Legati ob Cæsaris molimina turbati.
Pallav. t. c. **C**uncta hæc Farnesius Tridentinis Lega-
n. 6. & 7. tis significabat, unde illi Synodi cele-
 brationem omnino maturandam esse pro-
 be prospicerant, ut quantocius omnibus
 Cæsaris confiliis obviari, ejusque molimi-
 na præverti possent: Hanc ob rem datis
 ad Papam literis eidem exponebant, quod
 graviter commoti essent malis, quæ ex
 Concilii dilatione nasci possent, cum abs
 dubio Pontifex insimularetur, quod pro-
 missorum facilitati raro operis constantia
 fidesque adfuerit, si vero, prosequebantur
 Legati, Synodus invitatis Principibus cele-
 bretur, tunc sat exiguum erit confluentum
 numerus, nec ipsum etiam Concilium di-
 ci poterit Oecumenicum, cum Episcopi,
 qui in horum Principum ditionibus Ec-
 clesias regunt, abs dubio a Synodo abes-
 sent. Postrema hæc ratio ceteris prævale-
 re videbatur, eo quod Galliarum Rex pa-
 rum Synodo faveret, ejusque Legatus Gri-
 gnarus nomine, potius Doctorum consul-
 tationem de fidei articulis constituendam
 quam Synodum esse celebrandam Wor-
 matiæ enuntiasset.

Cæ-